



TEKS UCAPAN ALUAN

OLEH:

**YBrs. PUAN HAJAH ROHANI BINTI MD HASHIM
TIMBALAN KETUA PENGARAH
PLANMalaysia
(Jabatan Perancangan Bandar dan Desa)**

**SEMPENA:
HARI PERANCANGAN BANDAR SEDUNIA 2019
PERINGKAT NEGERI SEMBILAN**

**PADA:
2 NOVEMBER 2019
BERSAMAAN 11 SAFAR 1441H**

**BERTEMPAT DI:
CITY PARK, SEREMBAN 2**

بِسْمِ اللَّهِ الرَّحْمَنِ الرَّحِيمِ

السَّلَامُ عَلَيْكُمْ وَرَحْمَةُ اللَّهِ وَبَرَكَاتُهُ

dan Salam Sejahtera.

Terima kasih Saudara Pengacara Majlis,

YB TUAN TEO KOK SEONG

Pengerusi Jawatankuasa Bertindak Kesejahteraan Bandar, Perumahan Kerajaan Tempatan dan Kampung Baru

YBRS TUAN MOHD DAUD BIN AHMAD

Pengarah Jabatan Perancangan Pembangunan Mewakili Yang DiPertua Majlis Perbandaran Seremban

YBHG DATO' HOO KIM SEE

Pengurus Besar Kanan, IJM Land Berhad

YBRS TUAN KHAIRULZAMAN BIN IBRAHIM

Pengarah PLANMalaysia@Negeri Sembilan

Yang DiPertua Majlis Perbandaran Seremban

Yang DiPertua Majlis Perbandaran dan Majlis Daerah

Ketua-Ketua Jabatan Persekutuan, Negeri dan Daerah,

Peserta-Peserta Program Sambutan Hari Perancangan Bandar Sedunia 2019 Peringkat Negeri Sembilan.

PENDAHULUAN

1. Alhamdulillah, syukur kita ke hadrat Allah swt kerana dengan limpah kurniaNya, kita telah diberi ruang dan kesempatan bersama-sama pada pagi ini bagi menyambut **Hari Perancangan Bandar Sedunia (HPBS) bagi tahun 2019 Peringkat Negeri Sembilan.**
2. Terlebih dahulu, saya ingin mengucapkan setinggi-tinggi penghargaan kepada Yang Berhormat Tuan Teo Kok Seong, Pengerusi Jawatankuasa Bertindak Kesejahteraan Bandar, Perumahan Kerajaan Tempatan dan Kampung

Baru, yang sudi melapangkan masa untuk hadir merasmikan majlis pada pagi ini. Kehadiran YB EXCO amatlah dihargai sekaligus menggambarkan komitmen dan sokongan yang tinggi Kerajaan Negeri Sembilan dalam aspek perancangan bandar dan desa.

3. Ucapan terima kasih juga kepada semua Yang DiPertua yang sudi hadir, Jabatan Pertanian Negeri Sembilan, Jabatan Perhutanan Negeri Sembilan dan Majlis Perbandaran Seremban di atas segala kerjasama yang diberikan bagi menjayakan sambutan HPBS pada hari ini.
4. Tidak ketinggalan juga ucapan terima kasih kepada Ketua-Ketua Jabatan dan Agensi di peringkat negeri dan daerah, wakil-wakil Jabatan, serta pemimpin-pemimpin masyarakat kerana sudi melapangkan masa untuk bersama-sama bagi menyambut Hari Perancangan Bandar

Sedunia bagi tahun 2019 Peringkat Negeri Sembilan.

***YANG BERHORMAT, YANG BERBAHAGIA DATO',
TUAN-TUAN DAN PUAN-PUAN YANG
DIHORMATI SEKALIAN.***

**LATAR BELAKANG SAMBUTAN HARI
PERANCANGAN BANDAR SEDUNIA (HPBS) 2019**

5. Sambutan Hari Perancangan Bandar Sedunia atau dikenali sebagai HPBS ialah hari istimewa untuk juru rancang bandar (town planner) bagi memperingati peranan dan sumbangan mereka dalam melaksanakan pembangunan mampan. Ianya bermula dari cetusan idea *Prof Carlos Maria Della Paolera*, seorang cendekiawan perancangan bandar terkenal dari Argentina pada tahun 1949 yang menetapkan 8 November setiap tahun sebagai Hari Perancangan Bandar Sedunia. Namun, bagi PLANMalaysia sepanjang bulan November dianggap sebagai Bulan

Perancangan Bandar Sedunia. Jabatan Perancangan Bandar dan Desa atau kini dikenali sebagai PLANMalaysia menjadikannya acara tahunan semenjak tahun 1988.

JUSTIFIKASI TEMA SAMBUTAN HPBS 2019

6. Tema sambutan HPBS pada tahun ini adalah ***“Green And Community: Together Is Better”*** iaitu pendekatan ke arah merancang dan melaksanakan pembangunan yang mampan serta mendidik masyarakat akan kepentingan memelihara alam sekitar ke arah persekitaran yang kondusif dan lestari.
7. *Green* atau Hijau yang dimaksudkan adalah berkaitan dengan **Teras 2** dalam **Rancangan Fizikal Negara Ke-3 (RFN-3)**, iaitu **Kemampuan Spatial dan Daya Tahan Terhadap Perubahan Iklim** dimana sasaran Malaysia untuk mencapai Negara Rendah Karbon dengan pengurangan

sebanyak 50 peratus pelepasan gas karbon dioksida pada tahun 2040.

8. *Community* pula menggambarkan masyarakat yang perlu bersama-sama dengan pihak Kerajaan dalam usaha-usaha menggiat dan melaksanakan inisiatif-inisiatif kerajaan ke arah pembentukan komuniti inklusif dan berdaya huni.

***YANG BERHORMAT, YANG BERBAHAGIA DATO',
TUAN-TUAN DAN PUAN-PUAN YANG
DIHORMATI SEKALIAN.***

SAMBUTAN HPBS 2019

9. Majlis Sambutan HPBS 2019 Peringkat Kebangsaan kali ini akan diadakan di **Dataran Kemerdekaan Shah Alam, Selangor pada 10 November 2019 (Ahad)**. Untuk makluman, PLANMalaysia telah juga melaksanakan sambutan HPBS di setiap negeri bermula di Negeri Perlis pada 24 September 2019 dan akan

berakhir di Negeri Kelantan pada 14 November 2019 (Khamis). Pada hari ini, sambutan HPBS diadakan serentak di tiga (3) buah negeri iaitu Negeri Sembilan, Melaka dan Terengganu.

10. Selaras dengan tema sambutan pada tahun ini, PLANMalaysia telah mensasarkan penanaman sebanyak **3,000 batang pokok** dengan penglibatan 10,000 orang di semua negeri. Difahamkan sempena Sambutan HPBS Peringkat Negeri Sembilan pada tahun ini, Negeri Sembilan telah memberikan komitmen untuk menanam sebanyak **126 batang pokok** di seluruh Negeri. Tahniah kepada Kerajaan Negeri Sembilan.
11. Selaras dengan HPBS, Kementerian Wilayah Persekutuan melalui PLANMalaysia akan mengadakan program **Anugerah Kejiranan Hijau dan Penghargaan Bandar Mampan (MURNInets)** bagi memberi galakan kepada Kerajaan Negeri dan Pihak Berkuasa Perancang

Tempatan (PBPT) meningkatkan kualiti kehidupan masyarakat melalui program-program penghijauan dan penglibatan penduduk setempat. Pemenang-pemenang akan diisytiharkan dalam Majlis HPBS Peringkat Kebangsaan yang akan diadakan di Dataran Kemerdekaan Shah Alam pada 10 November nanti.

WAWASAN KEMAKMURAN BERSAMA 2030 (WKB2030)

12. Pada 5 Oktober yang lalu, Kerajaan Persekutuan telah melancarkan **Wawasan Kemakmuran Bersama 2030 (WKB2030)**. **WKB2030** ialah dokumen yang menggariskan matlamat 10 tahun untuk menjadikan **Malaysia sebagai sebuah negara yang terus membangun secara mampan seiring dengan pengagihan ekonomi yang adil, saksama dan inklusif.**

13. Turut disentuh dalam WKB 2030 adalah Aktiviti Ekonomi Hijau, yang merangkumi aktiviti seperti pengangkutan lestari, jaminan bekalan makanan, bandar pintar dan lestari, dan teknologi adaptasi iklim. Ekonomi hijau juga merujuk kepada pembentukan sebuah ekonomi kitaran yang mampu beroperasi tanpa sisa buangan iaitu *zero waste*.

14. Adalah menjadi tanggungjawab kita sebagai penjawat awam dan anggota masyarakat untuk menggembeleng tenaga bagi menjayakannya. Kepada Pihak Berkuasa Perancang Tempatan pula, dokumen ini nanti akan menjadi wadah baharu dalam merealisasikan komuniti rendah karbon yang dicita di kawasan pentadbiran masing-masing dengan lebih efisien

PENUTUP

***YANG BERHORMAT, YANG BERBAHAGIA DATO',
TUAN-TUAN DAN PUAN-PUAN YANG
DIHORMATI SEKALIAN.***

15. Sebagai mengakhiri ucapan saya ini, sekali lagi saya ingin merakamkan ucapan jutaan terima kasih tidak terhingga khususnya kepada Kerajaan Negeri Sembilan di atas komitmen dan sokongan padu yang telah diberikan. Seterusnya kepada semua yang terlibat secara langsung ataupun tidak langsung dalam menjayakan Majlis Sambutan Hari Perancangan Bandar Sedunia Peringkat Negeri Sembilan bagi tahun 2019.

16. Semoga setiap usaha dan tenaga yang telah dicurahkan, akan mendapat keberkatan daripada Yang Maha Esa jua. Berbekalkan doa dan harapan, agar kesinambungan persekitaran hidup

yang berkualiti dan mampan dapat terus dikecapi oleh seluruh pewaris bangsa di masa hadapan.

وَبِاللَّهِ التَّوْفِيقِ وَالْهُدَايَةِ السَّلَامُ عَلَيْكُمْ وَرَحْمَةُ اللَّهِ وَبَرَكَاتُهُ

Sekian, terima kasih.